



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Venter eius eburneus, distinctus saphyris.

urn:nbn:de:hbz:466:1-34445

¶ Venter eius eburneus, distinctus sa-
phyris.

Qualis uenter, q̄ pulcher, & q̄ decorus: ue-
runtamen & caput pulchrius & pulchriores ma-
nus. ¶ Nam caput aurum optimum, & aureæ
sunt manus, uenter autem eburneus. Pulchrum
quidem & præciosum est ebur, sed aurum longe
pulchrius, longe præciosius. Sic nimirum huma-
na dilecti huius natura siue substantia, passibilis
quondam & tenera, pulchra quidem & præcio-
sa, sed diuina longe pulchrior, longe præciosior,
in una eademq; dilecti persona, nunquam passi-
bilis, semper immortalis, ut erat ante omnia sæ-
cula. Vere pulcher & decorus uenter eburneus,
quia sicut ebur magni corporis. s. elephantis, to-
ta pulchritudo, totumq; præcium est: sic iste uē-
ter, uidelicet humanitas siue caro, quam ex ge-
nere humano assumpsit, totius mūdi maximeq;
generis Abrahæ, de cuius semine nasci uoluit de-
cus & gloria est. ¶ Pulchrius nimirum atq; præ-
ciosius est ebur carne uel corpe reliquo, de quo
sumptum est: & nihilominus caro dilecti huius
pulchrior, mundior & incomparabiliter sancti-
or est omni massa, cuius ex semine sumpta est.
Nam uniuersitatis hominum ista cōditio est, ut
nullus sit qui non ueraciter dicat: Ecce enim in
iniquitatibus conceptus sum, & in peccatis con-
cepit me mater mea: Præter hunc unum & uni-
cum, singularem & solum, quem sine ulla iniq-
tate, absq; ullis peccatis concepisti ego mater tua,
nunc incorrupta, mater in conceptu intacta, in
partu & post partum illæsa & integra. Ita uen-

Psalm. 50

COMMENTARIO. LIB. V. Fo. 87
ter eius eburneus, id est, homo ipse est castissimus, ab omni uitio frigidus, contra omnia quæ sunt carnis & sanguinis ualde solidus, impassibilis & mundus, sanctus, innocens & impollutus, & omnino a peccatoribus segregatus.

¶ Huiusmodi uenter, & si non aurum siue aureus, ut caput est aurū, & ut sunt aureæ manus: attamen distinctus est saphyris, id est, humanitas eius, & si nō est id ipsum quod diuinitas eius, attamen splenduit rebus diuinis, glorificata est omnimodis priuilegijs diuinitatis ab ipso initio, quo cum uagiret in cunis, famulante cælo, & in dice stella, adoratus est a Magis, usq; ad cōsummationem, id est, usq; ad mortem, mortem autē crucis: ubi dum compungeretur hic uenter clauis & lancea militis, cælum obscuratum est, & tenebræ factæ sunt, & uelum templi scissum est & terra mota est, & petreæ scissæ sunt, & monumenta aperta sunt, & cætera deinde facta sunt, quæ tu considerās recte dicas, quia sub pedibus eius quali opus lapidis saphyri, & quasi cælum cum ferænum est.

Matth. 2,
Philip. 2
Ioan. 19
Matt. 27

Exod. 24

¶ Crura illius, columnæ marmoreæ, quæ fundatæ sunt super bases aureas.

¶ Crura illius uix sunt illius. s. misericordia, & iudicium, siue misericordia & ueritas, Sicut ait Psalmista: Vniuersæ uix domini misericordia & ueritas. Nam ueritas ipsa est iudicium uerū. Crura ista, uix istæ, columnæ marmoreæ, id est rectissimæ sunt utiq; firmissimæ, nec est quæ possit eas infirmare, aut iuste reprehendere. Nam iudicia domini uera, iustificata in semetipsa, Exem

Psal. 24

Psal. 18